

上清外國放品青童內文卷下

明八

上清外國放品青童內文卷下

明

高上九玄三十六天內音

高上九玄空洞三十六天洞淵九地外國放  
品內音者乃生於太空九玄之先結飛玄紫  
氣自然之章靈文鬱乎重霄真光煥乎上清

神奇表異於太漢玉音朗激於金庭迴風流  
於紫煙揚香灑於八冥丹暉發其瓊幹朱日  
灌其神真流眄億劫虛降空玄三素啓運九  
度推遷靈音表見刻書崑崙之山玄圃之上  
積石之陰文彩垂芒精煥上天日月齋其先



五星同其明四會八達洞徹玉清飛仙紫童  
各三百人典香侍靈佩以攬天之獸扞以金  
頭萬重九色流霞謁其巔神鸞朱鳳撫其軒  
五帝監真四極典仙七曜吐精以瑩厲玉華  
散真以飾塵履陽否而不灰經萬劫而更鮮  
至中皇元年三月一日甲子天德值合之時  
上清太真玉保王上相大司馬命高晨師東  
海玉門青華小童君清齋上宮九百日青金  
盟天受於高上玉帝徧遊諸天洞鑒虛无流  
躬億津上觀无崖中戲廣負周歷六國磬迴

九玄四司鑒試上元定仙玉虛垂映龜母降  
真八景策轡五老翼軒飛仙互騁八風奏煙  
流電激威百陽吐精瓊輪曜虛羽蓋鬱玄金  
童散華玉女拂塵衆靈稽首五嶽朝真諸天  
晏禮十方司迎總領億道普監萬仙位登上

相主司高晨寔由玉帝之妙旨三十六天之  
瓊音主生死於圖籍掌仙號於青宮領金名  
於玄記典白簡於玉篇上統无崖无極无窮  
下攝洞淵九地萬靈五嶽四極河海衆仙至  
三十六國莫不咸隸於青童舊科萬劫一傳



九五之運三代交并當有玉名書於帝錄三十  
十六人得見其文得佩此音九地滅跡六國  
邀迎三十六天書名上宮三元下降自然成  
仙玄典苞於洞源靈軌巍巍乎難論玉澳深  
而難測妙化難可屢陳略舉千分之一粗標

明八

二

萬竒之一真也

諸天內銘九地三十六音以元始同存空靈  
建號結自然之名表於九玄演流外國三十  
六音如是天地各有三十六分天則有三十  
六天王以應三十六國地有三十六土皇以

應三十六天天王與真土皇主仙爲學不知  
天之内音則天王不領兆名不知地下之音  
土皇則不滅兆跡閉不得仙有見其文受其  
訣音天王玄鑒七聖刻篇西龜定錄東華書  
名土皇滅尸落跡九陰保舉上清五靈敬護  
十界扶迺周流六國平滅群凶五兵摧伏天  
魔束形九年乘空飛行上清真道高妙不得  
妄宣輕泄寶音七祖充責已身殞亡三塗五  
苦萬劫不原上真之士慎科而行

諸天王常以八節及月朔之日遊觀无崖歷



戲雲房逍遙玉清流眇十方於明霞之上常  
詠諸天內音飛玄之章上慶天真內歡神衿  
玉響虛朗瓊韻合音當此之日五老浮位九  
帝臨軒四司鑒試五帝衛靈衆真齊唱萬仙  
禮音三光停暉七元煥明山海靜波諸天肅

明八

三

清八素散華四皇拂塵靈風揚香綠霞吐津  
天元溟滯玉虛含欣朗朗高濤之館眇眇太  
漠之中洞虛入微周鑒無窮有得其道與帝  
結朋勤誦其章位准仙王德同諸天壽齊三  
光凡學上仙之道志登玉清奉禮帝尊而不

知三十六天之音飛玄之章則三十六天王  
不領兆名徒為精勤天不降真四司不敬五  
帝不迎天魔侵真終不成仙欲飛行玄虛遊  
宴五嶽而不知九地三十六土皇內名別九  
陰不落兆尸九地不滅兆跡徒勞幽山望飛  
反沉欲行此道每至八節月朔之日沐浴清  
齋入室燒香朝禮諸天北向叩齒三十六通  
微呪曰

兆臣甲子志慕神仙八慶之日朝禮天尊上  
願騰景乘空落煙飛超玉清洞遊諸天中願



變形降致五神昇入月門仰啜八騫石景水  
母玉胞飛根長披朱日與光同存下願四極  
授我口言西華侍衛役使金晨攜提五老八  
景同軒上慶交合五願開陳得如所願體合  
自然真靈下降賜登上仙畢便六拜仰啜六

氣次西向六拜啜六氣次南向六拜啜六氣  
次東向六拜啜六氣次西北六拜啜六氣次  
東南六拜啜六氣合六方三十六拜朝三十  
六天畢還北向平坐詠三十六天飛玄之章  
一遍竟又六拜六啜氣都止也此高上朝三

十六天上法行之九年天降雲輿三元詣房  
書名玉清刻簡青宮四司右別十界敬迎乘  
空飛行上昇玉晨其法高妙不得妄宣輕泄  
寶文七祖充責身沒鬼官長閉三徒萬  
劫不原

明八

高上九玄三十六天内音

第一無景無色

鬱單無量天

子

英勃

天王姓混

諱霧霜杓羅

第二無形清

面

化昇

天王姓馮

諱提阿沙

微天



第三無精波

𠄎

薰

天王姓雲

羅禡天

諱奎零

第四入色水

𠄎

飛宗

天王姓王

無量億羅天

諱阿衛

四天之音元始自然氣在高上玉清之上四

天王常以八節月朔之日遊觀高上玉清无

崖无極无形无色太空之巔誦詠四天之音

飛玄之章其日符四司周行天下學仙之人

有齋誠誦經朝禮諸天者即刻名玄簡注錄

青宮壽同四天之人九年飛行白日昇天

四天自然飛玄之章曰

鬱澄緣梵寶禪王和三界攜輪九象提魔維  
結洞覽榮秀垂柯慶霄重飛朱蘭吐葩流丹  
上迴精灌玉霞鳳鳴絕峯龍駭玄阿金音遙  
朗虛韻結那三晨敷暉朱采文羅九空迅煙

明八

五

八風揚華金輿瓊輪鳳軒婆娑金音流馥雲  
層峩峩芳津交灑靈漿滂沲玄谷玉泉如舟  
如河體洞自然億齡奚多徘徊金門宴景皇  
家長保玉虛永无傾差



第五無極洞清上

𠄎

雲羅

天王姓猊

上禪善無量壽天

𠄎

諱霽霽霽

第六玄微自然

𠄎

梵咽

天王姓羅

上虛禹餘天

𠄎

諱波梨荼

第七玄清上無

𠄎

玄那

天王姓梵

那首約諍天

諱摩首波

第八梵行上清

𠄎

云攜

天王姓騫

氣稽那邊淨天

諱首苛

四天之音上始胤梵自然氣在高虛玉清之

中四天王常以八節月朔之日遊觀高虛无

涯无極无名玄空之巔誦詠四天之音飛玄  
之章其日符天真使者周行天下有學仙清  
苦齋誠誦飛玄之章朝禮諸天即奏名四天  
刻書帝簡壽同四天之人九年飛行上昇  
天宮

四天飛玄之章曰

波韻呵泥玄景散暉丹霞敷簡曜靈瓊微零  
風梵音朱曰左迴玉響玄室金霄四垂高騫  
拂精石景騰飛諸天玄映玉帝徘徊綠轅丹  
輿翠羽錦衣遊朗九崖手披天扉與日同盛



與月同衰沐浴金門冠帶神輝學同天人壽  
極二儀高上合懽萬仙總歸玉虛結符永无  
傾危天真敷陳上亭紫微斯願仰降朝禮  
玉階

第九無窮洞虛

明八

虛

迴摩

六

天王姓澤

極上須延天

第十玄梵玉虛無

洲

雲阿

天王姓周

精炁羅迦淳月天

洲

諱阿迦須

第十一炁玄天

洲

重慕

天王姓丹

達上璽赤天

洲

諱清淳瑛

第十二大梵玄元

出

世畢

天王姓固

炁離起行如天

諱分若

四天之音九空始陽洞冥之氣在玄虛玉清

之下四天王常以八節月朔之日遊觀常虛

无崖无鞅空虚之中誦詠四天之音飛玄之

章其日遣太真使者周行天下有學仙清齋

誦經朝禮者即奏名四天刻書帝錄壽同四

天之人九年飛行上昇天宮

四天飛玄之章曰

訶羅夜寶玉梵秀騫維那彌落洞贖世真玉



瑤叩音琳響自然朱瓊曜葩慶雲內鮮流霞  
吐蘭丹迴紫煙三天齊光七曜啓晨八景迴  
輿九帝同軒攜提高匠紫虛上仙齊唱合韻  
以部玉真靈典遐眇瓊音命神五老束帶四  
極羅纏九氣徘徊結虛成煙三靈垂映七精  
灌津形陶玉潤拔度玄根超凌无崖歷戲諸  
天洞入无色反我宿緣

第十三無極上靈

玉空玄洞寂然天

第十四寶梵天色上

真炁潘羅玄妙天

第十五飛梵行真

上玄答謾福德天

第十六雲梵流精

中元近懃際淳天

𠄎

宋主

天王姓津

諱霹靂

天王姓隨

雲持

諱梨沐音

天王姓王

諱惟鉢離

天王姓朱

諱梨藹

𠄎

世良

四天之音梵行上始洞虛之氣在虛皇上清  
之上四天王常以八節月朔之日遊觀虛皇  
上清无崖无極空洞之上誦詠四天之音飛  
玄之章其日遣上仙玉監周行天下有學仙



行道朝禮諸天燒香誦經即奏名四天刻書  
錄簡壽同四天之人九年飛行空虛上昇  
玄宮

四天飛玄之章曰

摩夷四張六韻合雙靈音散發虛變成宮玉

玄逸霄提訶激鍾瓊響琅玕嘯神命童八景  
齊真九帝同朋南越浮利北落寒宮迴真四  
周廣靈之堂上御靈章下制魔凶雲飛重玄  
四達交通緣霞吐津羅布太空紫虛結煙徘徊  
丹房三暉洞明七曜流光朱日鬱茂綠梵



洋洋三十六位玉蘭灌芳九隅齊響禪我為  
王鑒映十天萬仙來宗有明瓊音女成仙公  
與劫為期永保无窮

第十七玄上洞極  
無崖不驕樂天

靈

流芳

天王姓凝  
諱霍霍

第十八大梵玄青  
無精答起近際天

頤

元深

天王姓阿  
諱明秀

第十九行梵紫虛  
上元首帶快見天

頤

洞干

天王姓劉  
諱且扇

第十二虛梵上清  
化靈須陀結愛天

虛

飛水

天王姓彭  
諱移那

四天之音飛梵行上虛紫元之氣在虛皇  
上清之中四天王常以八節月朔之日遊觀  
虛皇上清无崖无極空洞之中詠誦四天之  
音飛玄之章其日遣玉真定仙周行天下有  
學仙行道朝禮諸天燒香誦經之人即奏名  
天玉刻書青錄壽同四天之人九年飛行上  
清四天飛玄之章曰

雲曼丹陀維續妙靈重霄鬱虛薄蘭翠烟紫藹



藹丹飈迴映雲庭界世法輪結氣澄清綠柯  
含條綵華曜瓊八風舞軒六龍飛鳴金音虛  
朗玉唱空生儁真上景四帝齊靈皇崖晏轡  
玉仙策駟遊眇四天洞披三清逍遙无崖高  
映太冥曜羅灌暉七元吐精冠帶仙官津陶  
朱形長享元慶極真玉齡

明八

九

第二十一上極無

无

玉攜

天王姓輝

景洞微化應聲天

諱靄靄

第二十二大梵九玄中

三

天葵

天王姓捷

元炁阿那給道德天

山

諱尼姤



第二十三行梵元

清下靈炁須達天

三

總幾

天王姓周

諱難首

第二十四極梵洞微

加

九曲

天王姓竺

諱明和

九靈炁須帶阿那天

四天之音極寶梵上靈玄清之氣在虛皇上

清之下四天王常以八節月朔之日同遊虛

皇上清无崖无極空洞之下誦詠四天之音

飛玄之章其日遣領真玉郎周行天下有學

仙行道朝禮諸天燒香誦經之人即奏名天

王刻書玄文壽同四天之人九年飛行上清

四天飛玄之章曰

提維結綠金根植靈世輪法華九象負明法  
鼓朱音流磬寒庭八風舞軒雲羅吐瓊瓊瑤  
虛朗玉慧洞鳴白王暉含蘭丹葩發榮玉秀乃霄  
柯重虛紫清高昌辰顯蓋徘徊金城八景同和

九帝齊并流芬區空馥灑太冥飛輪羽蓋昇  
入无形與氣混合永晏極齡

第二十五無名至

天王姓精

極洞微梵寶天

諱霧雲釋

第二十六微梵玄天

天王姓洛

悉帶扇給道德天

諱須阿摩

第二十七虛梵天

天王姓云

悉蟬然識慧天

諱無陀

第二十八空梵中

天王姓朱

天績元伊檀天

諱仲生

明八

十

四天之音玄微上元梵天之氣在虛无太清  
之上四天王常以八節月朔之日同遊虛无  
太清无崖无極空无之上誦詠四天之音飛  
玄之章其日遣中真八靈仙人周行天下有



學仙行道朝禮諸天誦經念善之人即奏名  
天王刻書玄文壽同四天之人九年飛行上  
昇太清宮

四天飛玄之章曰

檀勒洹沙玉韻發謠朱蘭內映景雲吐翹八

風揚精瓊音逸遼翳翳邀構翼翼太霄紫鳳  
鬱虛結秀重幽峩峩雲層四達八交天老部  
仙五帝鑒朝玉皇迴靈瓊輿綠飈四元策轡  
六師匡虬遊觀四天洞映九遼天真敷陳裁  
慶同抄刻簡玄圖名書紫標得與皇上同保

億然日月齊景長六无彫

第二十九太極無崖紫

𠄎

世羅

天王姓玄

虛洞幽梵迦摩夷天

諱靈靈

第三十綠梵自

𠄎

雲九

天王姓迦

然識慧入天

明八

諱釋文羅

第三十一玄梵大行

𠄎

宗提

天王姓伊

無景無所念慧天

𠄎

諱檀阿

第三十二天雲梵

𠄎

正群

天王姓侂

上行維先阿檀天

𠄎

諱雲勳勃

四天之音清玄元虛寶梵之氣在虛无太清



之中四天王常以八節月朔之日同遊虛无  
太清无崖无極空无之上誦詠四天之音飛  
玄之童其日遣上真玉司仙王周行天下有  
學仙行道朝禮諸天誦經念善齋誠奉法之  
人即奏名天王刻書玄文壽同四天之人九  
年飛行上昇太清之中

四天飛玄之章曰

詞首來天雲梵玄阿六氣吐精九象結羅瓊  
音朗逸玉唱清歌虛韻合節制命靈魔保元  
固玄六妖靜和天老臨正萬翹含葩玉真陶



灌飛皇滂霏八素綴林上景散華金精洋洋  
玉離我我四負啓明皇仙之家朱闕九重躡  
鳥婆娑三十六音總歸提阿有知其韻上昇  
紫霞壽同天人萬椿不蹉

第三十三無色玄清

其

天王姓玉

洞微波梨答惹天

諱靈淵

第三十四洞微玄上

其

天王姓栢

梵炁阿竭含那天

諱墮世宗

第三十五玄上

其

天王姓朱

綠梵滅然天

諱陀雲彌

第三十六極色上行

其

天王姓素

梵泥維先若那天

諱負珠

四天之音極无虛洞无色梵天在虛无太清

明八

十二

之下空洞玄漠之中四天王常以八節日月朔

之日遊於虛无太清无崖无極空无无亡之

上誦詠四天之音飛玄之章其日遣上六具玉

司四極仙王周行天下有學仙行道朝但諸

天誦經念善齋誠奉教之人即奏名天土刻



書九天之錄壽同四天之人九年飛行上昇  
太清之中  
四天飛玄之章曰

瓊露浩瀾飛芬鬱芳三華曜日離羅丹房金  
治萬丈朱雲九重浮利吐翹洞灌寒宮土仙  
左迴三首交通皇上耀靈玉華匡龍六轡超  
虛逍遙太空攜契八真合懽天王流眄紫霄  
歷運无窮嘯詠瓊瑤琳響逸充長齋九元二  
景同光上化下變七十四方結我六六與真

齊雙

三十六天内名生於空洞元氣之先文華下表  
見題於崑崙之山高上音其玉文上相焦其  
妙篇稟受太空自然之章上標玄圖中統六  
國三十六音下總九地三十六土皇靈篇洞  
暢玉慧虛鮮皆天王之遊歌空玄之寶音六

明八

十三

六韻合四四齊真九帝分號三十六天萬氣  
總隸普領群仙上極无崖无色下極洞源洞  
淵諸為上真飛仙不稟玉音則不得遊賴无  
崖之天有得其文天王書名刻字紫札結錄  
玉晨三十六年剋得上登无色之天下洞九



地之源上妙之道不傳下仙輕泄寶音七祖  
充責身負乃山三徒五苦萬劫不原洞淵九  
地三十六音內銘

第一壘色  
潤地正音  
鳳  
諱孝景椿  
土皇姓秦

第一壘色  
潤地行音  
加  
諱昌上文  
土皇姓黃

第一壘色  
潤地遊音  
山  
諱玄文基  
土皇姓青

第一壘色  
潤地梵音  
關  
諱忠陣皇  
土皇姓蜚

右一壘之地四色土皇地載周竟四垂不極  
不窮无邊无际无色之氣去天九十九倍億萬  
里如是土皇帝以立春之日乘青龍之車執

九色之麾從青帝胡老之官巨鱗之騎九千  
人上詣鬱單无量天奏地仙得道上學之人  
言名於四天之王

凡修上法當以立春之日平旦入室東向以  
青筆書上皇內音白紙上而服之叩齒九通

仰存四土皇姓諱悉著青羽之襪頭建九元  
通天冠乘青龍羽車飛行上昇无量天便  
呪曰

青陽告昇土皇鑒晨總領四司告與萬仙天  
老定錄上告開陳精勤上願但道元親願書

明八

十四

帝簡刻名玉篇九壘滅跡飛景瓊軒壽靈四  
皇永保監乾畢東向心拜九過咽氣九通止  
如此則土皇列名九天九地滅跡九陰地官  
營衛胡老司逆三十六年得乘青羽飛與上  
昇无量之天



第二壘剛

色地正音



土皇姓戊

諱坤文光

第二壘剛

色地行音




土皇姓鬱

諱黃毋生

第二壘剛

色地遊音



土皇姓玄

諱乾德維

第二壘剛

色地梵音



土皇姓長

諱皇萌

右二壘之地四色土皇地載周竟四垂不極  
不窮无邊无際无色之氣去第一壘八十一

億萬里如是第二壘土皇常以春分之日乘  
黃碧二色之氣十二玄龜執神皇九元之策  
從青帝胡老之官飛行甲騎八千人上詣上  
上禪善无量壽天奏地仙得道上學之人言  
名於四天之王

明八

十五

凡學上法當以春分之日平旦入室東向以  
青筆書土皇內音黃紙上服之叩齒九通仰  
存四土皇姓諱悉衣黃錦飛裙頭戴平天之  
冠乘黃碧二色雲車十二玄龜九天之策從  
青帝胡老之官飛行甲騎上昇上上禪善无



量壽天便呪曰  
三道行運季節臨元維落九壘廣御八門總  
鑑地仙上聞帝君天老定錄土皇記文上告  
之日我道早分落跡九陰飛景素雲四氣同  
符皇人齊群畢東向心拜八過咽氣八通止  
行之三十六年得乘飛雲之車上昇禪善無  
量壽天

第三壘石脂

色澤地正音

𤝵

土皇姓張

諱維神保

第三壘石脂

色澤地行音

𤝵

土皇姓周

諱伯上仁

第三壘石脂

色澤地遊音

𤝵

土皇姓朱

諱明車子

第三壘石脂

色澤地梵音

𤝵

土皇姓庚

諱文敬士

右三壘之地四色土皇地載周竟四垂不極  
不窮无邊无际无色之氣去第二壘一百一  
十億萬里如是第三壘土皇常以立夏之日  
乘絳霞之雲十二鳳皇執五色之節從越老  
之官飛行武騎八千人上詣須延天奏地仙



得道上學之人言名於四天之王  
凡學上法當以立夏之日食後入室南向朱  
筆書土皇內音白紙上服之叩齒九通仰存  
四土皇姓諱悉衣絳文飛裙頭巾无極進賢  
之冠乘絳霞之雲十二鳳皇執五色之節飛  
行上昇須延之天使呪曰

明八

十六

四氣總中八達合朝吉晨臨正九壘發翹執  
錄命仙上昇紫霄列名皇文補仙上僚得乘  
朱景逍遙飛颺年齊三光極天无彫畢南向  
心拜八過咽氣八通止行之三十六年得乘



飛雲之車上昇須延之天

第四壘潤

澤地正音

第四壘潤

澤地行音

第四壘潤

澤地遊音

第四壘潤

澤地梵音

𡗗

𡗗

𡗗

𡗗

土皇姓賈

諱雲子高

土皇姓謝

諱伯无元

土皇姓已

諱文秦陣

土皇姓行

諱機正方

右四壘之地四音土皇地載周竟四垂不極  
不窮无邊无際无色之氣去第三壘地二十  
億萬里如是第四壘土皇常以夏至之日乘  
絳霞雲輿十二朱鳥執命魔之幡從越老仙  
官飛行武騎八千人上詣寂然天奏地仙得

明八

十七

道上學之人言名於四天之王

凡學上法當以夏至之日正中入室南向朱  
筆書土皇內音黃紙上服之叩齒九通仰存  
四土皇姓諱悉著黃綠之裙頭戴遠遊之冠  
乘絳霞雲輿十二朱鳥執命魔之幡飛行上



昇寂然之天便呪曰  
 天清地澄九土鬱玄四運御晨上參紫天徘徊飛輿宴景无間八會交慶玉虛開陳皇老列名天王題篇九壘削死司命勒年身入華晨永保上仙

畢向南心拜八過咽氣八通止行之三十六年得乘絳雲輿上昇寂然之天

第五壘金粟  
 土皇姓華

澤地正音  
 諱延期明

第五壘金粟  
 土皇姓黃

澤地行音  
 諱齡我容

第五壘金粟  
 土皇姓雲

澤地遊音  
 諱探元淵

第五壘金粟  
 土皇姓蔣

澤地梵音  
 諱通八光

右五壘之地四音土皇地載周竟四垂不極不窮无边无际无色之氣去第四壘地二十億萬里如是第五壘土皇常以立秋之日乘

素雲之輿十二白虎執命靈九元之章從氏  
老仙官飛天虎騎六千人上詣不驕樂天奏  
地仙得道上學之人言名於四天之王凡學  
上法當以立秋之日晡時入室西向白筆書  
青紙上土皇內音服之叩齒九通仰存四土

明八

十八

皇姓諱悉著素羅飛裙頭戴九元通明寶冠  
乘素雲之輿十二白虎執命靈九元之章飛  
行上昇不驕樂之天便呪曰

皓華映暉白闕九重四運梵維吉晨告皇元  
景理命記錄天王列書帝簡上奏青宮九陰



滅尸騰身華房永保上仙三晨齊光  
畢向西心拜六過咽氣六通止行之三十六  
年得乘素雲瓊輿上昇不驕樂之天

第六壘金剛

𠄎

土皇姓李

鐵澤地正音

諱上少君

第六壘金剛

𠄎

土皇姓范

鐵澤地行音

諱來力安

第六壘金剛

𠄎

土皇姓長

鐵澤地遊音

諱李季元

第六壘金剛

土皇姓王

鐵澤地梵音

庶

諱駟女容

右六壘之地四音土皇地載周竟四垂不極  
不窮无边无际无色之氣去第五壘地二十  
億萬里如是第六壘土皇常以秋分之日乘

明八

十九

素雲飛輿十二白虎執九色制神之魔從氏  
老仙官飛天虎騎六千人上詣化應聲天奏  
地仙得道上學之人言名於四天之王凡學  
上法當以秋分之日晡時入室西向白筆書  
青紙上土皇内音服之叩齒九通仰存四土



皇姓諱悉著素錦飛裙頭戴无極進賢之冠  
乘素雲之輿十二白虎執九色制神之麾飛  
行上昇化應聲天便呪曰  
白土九壘氣通太微皇老臨晨騰景徘徊朱  
蘭映陳八華揚暉昇入帝庭上披瓊扉五願

玄會降致羽衣八景齊真形得昇飛命同天  
地永保二儀

畢西向心拜六過咽六氣止行之三十六年  
得乘素雲瓊輿上昇化應聲天

第七壘水制

土皇姓唐

澤地正音

唐

諱初生映

第七壘水制

土皇姓吳

澤地行音

起

諱正法圖

第七壘水制

土皇姓漢

澤地遊音

高

諱高文徹

第七壘水制

土皇姓京

澤地梵音

三十八

諱仲龍首

右七壘之地四音土皇地載周竟四垂不極  
不窮无邊无際无色之氣去第六壘二十億  
萬里如是第七壘土皇常以立冬之日乘玄



雲飛輿二十四玄武執五色命靈之幡從堯  
老仙官騰天之騎五千人詣梵寶天奏地仙  
得道上學之人言名於四天之王四毒不致  
凡學上法當以立冬之日子時入室北向墨  
書土皇內音白紙上服之叩齒九通仰存四

明八

二十

土皇姓諱悉著玄靈錦文飛裙頭戴无極進  
賢之冠乘玄雲飛輿二十四玄武執五色命  
靈之幡飛行上昇梵寶天便呪曰六千島來  
五氣交帶八神迴庭三元臨正土皇命靈雲  
輿羽蓋上昇高清大願開陳我納无形九壘



滅跡天真刻名結編玄圖受號華青得不飛

景化入帝庭軒四五三六五土皇命靈靈

畢心拜五過咽五通止行之三十六年得乘

玄雲之輿上昇梵寶之天四之右降在口命

第八壘大風土皇姓葛漢天無數

澤地正音諱玄昇先

第八壘大風土皇姓華聖入地

澤地行音諱茂雲長四垂不成

第八壘大風土皇姓羊

澤地遊音諱真洞玄

壘

壘

壘

壘

第八壘大風



土皇姓周

澤地梵音

諱尚敬原

右八壘之地四音土皇地載周竟四垂不極  
不窮无邊无际无色之氣去第七壘八十億  
萬里如是第八壘土皇常以冬至之日乘玄

明八

二十一

雲飛輿五色飛麟執九色之節從羌老仙官  
騰天之騎五千人上詣梵迦摩夷天奏地仙  
得道上學之人言名於四天之王

凡學上法當以冬至日子時入室北向墨書  
白紙上土皇内音服之叩齒九通仰存四土





皇姓諱悉著玄雲錦裙頭載通天寶冠乘玄雲羽輿五色飛麟執九色之節飛行上昇梵迦摩夷天便呪曰


天敷地陳九象法玄四度昇降八氣明新土皇簡錄玉帝定真名題圖札我獲上仙飛行


太虛縱景自然與靈同符與氣長存三變九化昇入帝晨

畢心拜四過仰咽氣四通止行之三十六年得乘玄雲之輿飛昇梵迦摩夷之天

第九壘洞淵无色剛維  土皇姓極諱无上玄

第九壘洞淵无色剛維  土皇姓昇諱虛元浩

第九壘洞淵无色剛維  土皇姓趙諱上伯玄

第九壘洞淵无色剛維  土皇姓農諱勒元伯

地氣梵音 右九壘之地極下洞淵洞源剛維天地制使不落上則去第一壘五百二十億萬里下則无窮无境无邊无际皆剛維之氣如是第九

壘土皇常以三月一日六月二日九月三日  
十二月四日一年四過乘五色雲輿九色飛  
龍執中元命神之章從僖老仙官耀天羽騎  
萬二千人上詣波梨答愁天奏九地學道得  
仙人名言於四天之王

明八

二十二

凡學上法當以其日入室向太歲黃書白紙  
上四土皇內音服之叩齒十二通仰存四土  
皇姓諱悉著玄黃五色之衣頭載九元通天  
寶冠足著五色獅子交文之履執文身保命  
之符乘黃霞飛輿從五帝玉女三十六人飛



行上昇波梨答愁天便呪曰  
二象迴周九精洞靈皇老應符騰虛入清四  
通八達飛霞紫瓊上登金華奉對帝靈記仙  
元錄音宮刻名得道白簡封字七靈九壘滅  
尸東井鍊形三元降真我道已明得乘飛景

上登玉庭

畢心禮九拜咽氣十二通止行之三十六年  
得乘黃霞飛輶上昇波梨答愁之天九地九  
壘直下九重合三十六音三十六土皇上應  
三十六天中應三十六國如是土皇皆位齊

玉皇之號但分氣各治上下之別名耳土皇  
三十六年轉號昇上清之宮龍衣三十六天之  
王玉司之官於九壘之下皆舉學道得仙之  
名上奏九天天王爲學不知九壘地音三十  
六土皇內諱九地不滅兆跡九天丞相不受

明八

二十三

兆名五嶽不降雲輿五帝不衛兆身徒明外  
國之音故不得匡虛而昇也故天地人各稟  
三三之氣三合成真然後得仙也凡知九地  
之音三十六土皇內諱則九氣丈人常以四  
方五色靈官防衛兆身出入遊行登涉五嶽



則仙官侍送滅魔威試降致神真九年飛空  
坐在立止三十年上昇太清居世得有此文  
七玄之祖則爲九氣命靈土皇司官奉衛形  
骸撫慰靈魂萬里父老土丞相掾皆爲驅除  
无復拘閉責役之患居則在地保安无凶十  
二守將營扞八門通真致神欲富則富欲官  
則官欲仙則仙欲神則神此道祕妙非可言  
宣上相青童稟受高上口訣寶篇安泄三盟文  
七祖充役萬劫不原  
欲登山住止及安居宅審地吉凶當以戊己

之日黃書九地三十六音文白紙上置所住  
中央以盆覆之三宿開看若有黃色潤紙大  
吉若有青色則下有死靈之尸若有白色者  
為凶若有赤色者驚恐若有黑色者則財寶  
若有紫色者得神仙都不異則止可三年安  
過此必折傷也

高上外國六品正音

東方呵羅提之國

第一品銘  正音无夷

第二品銘  正音波泥



第三品銘𠄎 正音久難

第四品銘𠄎 正音吉維

第五品銘𠄎 正音无思

第六品銘𠄎 正音雲芝

東方去中國九十萬里外名為呵羅提之國

明八

三四

一名星國國外有扶桑在碧海之中地方萬

里上有太帝宮太真王之別治有上生林如

桑皆長數千丈大者三千圍兩兩同根而生

有實赤如椹仙人所啖食體作金光色其實

皆九千歲一生又有生洲在扶桑外西接蓬

萊地面方二千五百里去岸二十三萬里上  
有仙家數萬人地无寒暑時節温和多生神  
仙芝草食之飛空而行扶桑東又有祖洲在  
東海之中地方五百里去岸七萬里上有不  
死之草形似菰苗長三四尺一名養神芝其  
葉似菰生不叢株一株食之飛行上清已死  
之人覆之則生神奇妙藥入其國宜知其名  
存胡老仙官採之於祖洲思其色而服之三  
年面有流光延壽萬年久久自然有仙人賚  
此神物降送於身也



南方伊沙陀之國

第一品 銘 𠄎 𠄎  
正音 盈華

第二品 銘 𠄎 𠄎  
正音 王家

第三品 銘 𠄎 𠄎  
正音 握魔

第四品 銘 𠄎 𠄎  
正音 耀葩

明八

第五品 銘 𠄎 𠄎  
正音 武都

第六品 銘 𠄎 𠄎  
正音 飛蒲

南方去中國八萬一千里外名閻浮梨之外  
極洞陽之野國名伊沙陀之國一名火庭天  
竺之國國外有長洲一名青丘南海辰巳地

方五千里去岸二十五萬里則生大樹長三千  
丈大二千圍甚多靈藥甘液玉英无所不有  
其上有民人皆壽三百六十歲又靈狐之獸  
大者如犬色有五色叫聲響四千里威制虎  
豹萬禽得衣其毛壽同天地左則有風山山  
常震聲上有紫府宮天真神仙玉女所遊觀  
又有炎洲在南海中央地方二千里去岸九  
萬里上有風生獸似豹青色大如狸積火連  
天燒之經月不死毛亦不燃斫刺不入以鐵  
椎交鍛其頭數千下乃死張口向風須臾復



活以石上菖蒲塞其鼻即死取其腦和菊華  
服之壽固天地又有火林山山中有火光獸  
太如鼠毛長三四寸或赤或白於是夜半望  
山上林木及此獸光照如燃火取其獸毛作  
布名之火浣布若小汚以火燒之即鮮曰則  
伊沙陀國人所衣得此毛仙人降形學者存  
國之音思越老仙宮二十六年神人當以此  
獸及國神奇之物獻送於北也

西方尼維羅綠那之國

第一品銘  正音華連

第二品銘𠄎音曰高軒

第三品銘𠄎音曰明身

第四品銘𠄎音曰土纏

第五品銘𠄎音曰星震

第六品銘𠄎音曰朱天

明八

二十六

西方去中國六萬里外名俱邪尼之外極皓素之壟寒穴之野則尼維羅綠那之國一名雲胡月支國國人壽六百歲國外則有流洲在西海之南地方三千里去東岸十九萬里其上則有仙家數萬上有山生昆吾之石治



石成鐵作劍光明照洞如水精割玉如土鳳  
麟洲在海中央地方一千五百里四面有弱  
水鴻毛所不浮上有仙家數千有鳳麟為群  
上有言光之獸如狸能作故語聲如梵音與  
其國人通言毛生光奕奕悉仙人所衣得衣  
其毛壽同天地學者存其國音氏老仙官三  
十六年當獻送昆吾之劍吉光之獸於北也  
北方旬他羅之國

第一品銘

音曰玄家

第二品銘

音曰文多

第三品銘

音曰山蓋

第四品銘

音曰武都

第五品銘

音曰盈家

第六品銘

音曰玄摩

北方去中國分五萬里外名鬱單下極朝陰

明八

二十七

鈎陳之庭國名旬他羅之國一名天鏡之國

國人壽三百歲國外則有玄洲方七千二百

里四面是海去岸三十六萬里上有太玄都

仙伯真公所治有鸞鷲之鳥如浮氣多丘山

名爲風山與天西北門連界金堂玉室官府



生金玉紫芝是三天所治其外則有元洲地  
方三千里去南岸十萬里上生五芝玄澗澗  
水如蜜飲之與天地同年中有三萬仙家悉  
飲此水得仙不死學者存其國音羌老仙官  
三十六年獻降玄澗五芝水也

上方元精青沌自然之國

第一品銘  正音重權

第二品銘  正音玉金

第三品銘  正音三林

第四品銘  正音正精

第五品銘 正音吸鈴

第六品銘 正音綠嬰

上方九天之上清陽恢空之內无色无象无  
形无影空洞之銘元精清泚自然之國一名  
洞澳清衍之國以清氣為芬世上極无窮四  
覆諸天惟有玉虛紫館結空洞之煙在虛玄  
青泚之內也為學存高上之音則天人授子  
飛仙之方

中方太和寶真无量之國

第一品銘 正音山蘆



第二品銘 𠄎 正音世家

第三品銘 𠄎 正音嗟我

第四品銘 𠄎 正音盈華

第五品銘 𠄎 正音翟葩

第六品銘 𠄎 正音羅那

明八

二十八

中國四周百二十億萬里下極大風澤五百二十億萬里崑崙處其中央弱水周而繞山山高平地三萬六千里上三角面方長萬里形似偃盆中狹上廣其一角正北千辰星之精名閼風臺一角正西名曰玄圃臺其一角

正東名曰崑崙宮一處有積金爲天墉城面  
方千里城上安金臺五所玉樓十二其北戶  
山承淵山並其支輔又有墉城金臺玉樓相  
似如一流精之闕光碧之堂瓊華之室紫翠  
丹房景雲燭日朱霞九光西王母之所治上  
通璇璣元氣流布五常玉衡普引九天之澳  
灌萬仙之宗根天地之紐萬度之柄矣上生  
金銀之樹瓊柯丹寶之林垂蘇瑰以爲枝結  
玉精以爲實其樹悉刻題三十六國音諸天  
內文上樓紫鸞鳳鸞白雀朱鷄鷓鴣靈鶴赤



鳥青鵲下則飛禽遊獸與崑崙同生初无死  
耗但玄文寶經隱書古字有千二百億萬言  
在玄圃之上積石之陰仙人有九萬人皆停  
散於靈山學者常誦諸天內音外國三十六  
音地下九壘之音九年仙人自當降送靈山

二十九

之神奇三十六年得乘五色雲輿上登崑崙  
之山也高上告上相青童君凡諸天文三十  
六國九地之音皆玄古空洞之書自然之章  
悉是上真帝皇以下及學仙得道莫不受音  
於太真佩文以遊行威制萬靈攝魔召精登

涉五嶽及入三軍皆九天衛迎四司扶持九年三元詣房三十六年天降雲輿飛行上清受其音以青繒爲地黃筆書文以甲子之日夜半於中庭露醮以隨時珍菓清酒三斗設以九盤九盃施九尺青羅之內以設諸文第

子贄上金九兩縹紋之繒三十六尺南向而伏師北向叩齒三十六通上告九天丞相中告五帝五靈下閔九土九氣丈人今上告八會天源朗清玉帝鑒映虛皇臨庭領仙校錄東華簡名上學某甲仰慕神仙投盟誓靈奉



受天文三十六音閉口修行敢泄靈真醴酒  
貢心上招高晨元靈之氣下監兆臣自爾之  
後違負盟科七祖克責身沒河源長負刀山  
不敢蒙仙三官九府咸識盟言畢弟子置信  
左手執叉向西北九拜迴東南向九拜次向

本命上九拜都畢

上清外國放品青童內文卷下



